

Republika ng Pilipinas
Lalawigan ng Silangang Mindoro
Bayan ng Bulalacao
Barangay Poblacion
Sitio Tabuk

DENR-MIMAROPA RECORDS SECTION	
RECEIVED	
15 NOV 2022	
☐ INCOMING BY: _____	☐ OUTGOING DATE NO. _____

Ika-15 ng Nobyembre, 2022

Kgg.Ma.Antonia Yulo-Loyzaga

Kalihim

Kagawaran ng Kapaligiran at Likas na Yaman
Visayas Avenue, Diliman, Quezon City

Atensyon:

Kgg.Lormelyn F.Claudio

Executive Regional Director
DENR-MiMaRoPa
3rd Fl., 1515 Bldg.
Roxas Blvd., Ermita Manila

Kgg.Mary June F.Maypa

PENR Officer
DENR Provincial Office
Ilang-Ilang St., Sitio II, Suqui
Calapan City, Oriental Mindoro

Kgg. Alma E. Gibe

DMO IV/In-Charge, CENRO-Roxas
Oriental Mindoro

Minamahal naming Kalihim Ma.Antonia Yulo-Loyzaga,

Isang mapagpalang araw po sa inyo.

Muli po akong dumudulog sa inyong butihing tanggapan upang aking ipabatid sa inyong kaalaman at **hinihiling magkaroon ng isang dayalogo sa ika- 12 ng Disyembre, 2022 ika-10:00 ng umaga sa covered court ng Brgy.Cambunang, Bulalacao, Oriental Mindoro** upang masusing maimbistigahan ang pangungulekta ng malaking halaga na umabot ng milyon dahil lamang sa ipinapakitang Resolution mula sa DENR Region 4-B na kung saan po nakasaad po dito na ang nasabing public land batay sa talaan ito po ay may aplikasyon 1936 pa ngunit magpasa hanggang sa kasalukuyan nanatili po itong hindi naproseso marahil sa maraming kasinungalingan na naisumite sa nasabing aplikasyon. Ito po yong Lot 478 at 479 Pls-395-D na may aplikasyon ni Pedro Solis na alleged ay aktwal na nakaposisyon sa nasabing lupang sakahan ngunit lahat ng iyon ay kasinungalingan at noong 2020 ng biglang dumating ang nagpakilalang may-ari ng nasabing lupang sakahan na si Pancho Solis dala ang isang resolution at sinasabing sya ang may ari at naningil ng milyong halaga ng pera sa mga aktwal na nagsasaka sapilitang pina-alis din nya ang mga magsasaka na aktwal na nagsasaka kung hindi makapagbayad sa kanya at kakasuhan pa umano sa korte o di kaya ay ipapa-pulis na kung saan sa takot ng mga magsasaka napilitang magbayad yong karamihan at yong iba naman ay napilitang umalis sa lupang sakahan na kanilang sinasaka.

Dahil sa nangyari ito ay nagdulot ng takot, pagkabalisa sa dating tahimik na pamumuhay ng mga magsasaka kung kaya't sa tulong ng inyong lingkod nakakuha kami ng mga dokumentong nagsasaad na ang nasabing lupang sakahan po ay isang public land na may nakabinbing aplikasyon kung kaya't kami ay humihiling ng isang makabuluhang dayalogo na gaganapin sa Brgy.Cambunang, Bulalacao, Oriental Mindoro upang ipaliwanag ang mga sumusunod na mga katanungan;

1. Batay sa naisumiting aplikasyon ni Pedro Solis taong 1936 sya ay aktwal na nakaposisyon sa nasabing lupang sakahan, nagkaroon ng disisyon na pinal ngunit pina-ulit hanggang sa ito ay naglapsed; Kung naglapsed na ang itinakdang panahon para sa nasabing aplikasyon bakit nanatiling nagpakilala si Pancho Solis na sya ang may-ari ng nasabing lupang sakahan?
2. Sa nakasaad sa nasabing resolution hindi ko nakita na nakasaad na ang binigyan ng karapatan ng ahensyang may saklaw ay si Pancho Solis, na mangulekta ng milyong halaga ng salapi mula sa mga magsasaka, sapilitang nagpa-alis ng mga aktwal na nagsasaka sa nasabing lupang sakahan at nanankot sa mga aktwal na nakaposisyon, sinamantala nya ang kakulangan ng kaalaman ng mga magsasaka para sila ay dayain, lukuhin; Tanong bibigyan pa rin ba ng ahensya ng due course ang aplikasyon ni Pedro Solis? (Kalakip po ang kasunduan ng bayaran ng pera na kinulekta ni Pancho Solis)
3. Batay na rin sa ginamit na batayan ng aplikasyon Act No. 3038 na may provision of Act No. 2874 na may aktwal na pagkultiba/pamomosisyon, sa pagkakataong ito simula ng masumiti ang nasabing aplikasyon walang pamomosisyon o pagkultiba mula sa aplikante kundi ang pananamantala sa mga aktwal na nakaposisyon aktwal na nagsasaka, Ano ang maging kaparusahang igawad ng ahensyang may saklaw sa pananamantala ng aplikante o nagpakilalang may-ari ng lupaing hindi naman pala totoo?
4. Sa kasalukuyang sitwasyon, sino ang mas higit na bibigyan ng pagkakataong magkaroon ng titulo sa public land yong aktwal na nagsasaka o yong may aplikasyon na nanamantala?


Nakakabahala po ang laki ng nakulektang pera ng dahil sa resolusyong nagmula sa inyong ahensya na nagagamit sa pananamantala kung kaya't ang agarang aksyon pag-imbistiga at pagpataw ng kaparusahan ang dapat na mangingibabaw.

Kalakip po ng aking liham ay ang ilang dokumento na maaaring makatulong upang mapag-aralan ang nasabing suliranin sa lupa.

Umaasa po kami na ang aming kahilingan na magkaroon ng isang makabuluhang dayalogo na ang dadalo ay mula sa inyong butihing tanggapan, taggapan ng legal at operasyon at **hinihiling po namin na makasama sa nasabing dayalogo si Atty. Ricky Arzadon** upang makakuha kami ng tamang kasagutan at matinong proseso sa aming inihaing sitwasyon sana po kami ay mabigyang pansin at agarang aksyon.

Maraming salamat po.
Mabuhay po kayo!!!!

Lubos na gumagalang,


Marianne S. Bodegas
Provincial Coordinator Magsasaka Party List
Sitio Tabuk, Poblacion, Bulalacao
Oriental Mindoro
Cp#09454456722

Copy furnished:

Atty. Ricky Arzadon
DENR-Central Office

Magsasaka Party List
#34 Matiyaga St. Pinyahan
Quezon City

Hon. Mayor Engr. Ernilo C. Villas
Local Executive
Municipality of Bulalacao